

PETRI BLESENSIS

OPUSCULA.

DE TRANSFIGURATIONE DOMINI.

Reverendo Patri suo ac domino FRENALDO, Dei gratia Atrebensi episcopo, suus PETRUS Blesensis, salutem in vero salutari.

Magistri Sigerii frequens instantia et vestrae præceptionis auctoritas me compellunt, de transfiguratione Domini aliquid, quod publice auditores ædilicet et luceat in commune, conscribere. Verum tamen imperfectum meum sentiens, et me tantæ imparem jussioni, onus mihi impositum libentissime declinare, nisi me Dominica comminatio terroreret: *Maledictus qui abscondit frumenta in populis*^{97*}. Ne ergo repuler servus nequam, si talentum mihi creditum vel involvam sudario, vel terræ infidiam⁹⁸, de exilitate mea ministrabo aliis, sicut parare voluit in dulcedine sua pauperi Deus. Spem enim constitui mihi in eo, qui est spes nostra; in eo qui abscondit a sapientibus et prudentibus, quæ revelat parvulus^{99*}; in eo qui Petrum et Andräam, et filios Zebedæi¹⁰⁰, Verbi Domini ministros, non de clamositate logicorum, non de urbanitate rhetorum, non de schola Justiniani, sed de simplici ruditate elegit, et tamen per eos operatus est salutem in medio terræ. Loquar ergo, quoniam, *si tacuero, ut verbis Job*^{101*} *utar, os meum condemnabit me*¹⁰²; loqui enim teneor pacti vinculo, timore Domini, charitate fraterna. Utinam voluntaria oris mei beneplacita faciat Dominus, et fructifícem in aliis, qui aut nullum aut rarum fructum facio. In memetipso acuuntur siquidem gladii cotis beneficio, quæ secare non potest. Et cum in canalibus virtus germinandi nativa convalescere non possit, transit tamen ad areolas per canales. Recipiatis igitur unius diei opusculum, nec requiratis in eo Ulpiani leporem, aut Tullii flores; capto siquidem, non lucrum famæ, sed animæ, mibique sufficit, si inter curialium sollicitudinum strepitum præcipitata hujus Opusculi festinatio, non dico laudem, sed veniam mereatur.

Doctor ille, qui docet hominem scientiam, in

A quo sunt omnes sapientia et scientiæ thessauri absconditi¹, in schola evangelicæ disciplinæ nos instruit ad mores, accendit in charitate, erigit in spem ei confirmat in fide, suo in primis exemplo nos admonens, secreta nostra illis specialiter committenda, quos certior devotionis affectio nobis ligat. Christus siquidem, quia in ore duorum aut trium testium stat omne verbum², de duodecim discipulis tres elegit, quibus gloriam transfigurationis suæ secretius aperiret, Petrum, Jacobum et Joannem³, quorum devotissima charitas sinceræ dilectionis et familiaritatis privilegium merebatur, aliis enim carnalibus, et adhuc carnaliter sapientibus se tantum in forma passibilis carnis exhibebat; istis vero, qui jam in monte contemplationis spem resurrectionis futuræ, et gloriam beatæ exspectionis conceperant, veritatem glorificatione carnis ostendit: talem se carnalibus eorum oculis offerens, qualem eum resurrectorum a mortuis jam spiritualibus oculis cognoscebant. Movet autem plerosque, qualiter in carne passibili et mortali glorificationis veritas potuerit apparere; et si in veritate glorificatio ibi fuerat, qualiter postmodum caro facta semel impassibilis potuerit morti et defectui subiacere. Nunquid Deus naturæ humanæ miseriam omnino depositus: et, ut stolam gloria ad tempus indueret, saccum nostræ captivitatis abjecit⁴? Absit ut homo, propter assumptionem alicujus honoris et gloria, aliquando sit abjectus, qui semel per gratiam est assumptus, semel assumpta a divinitate humanitas, nec divortium passa est, nec accepit libellum repudii, manet sacramentum illius benedicti coniubii! Et quos Deus conjunxit, nulla postmodum honoris aut necessitatis occasio separavit.

Nemini ergo veniat in stuporem, nec scrupulum dubitationis importet hæc mutatio dexteræ Excelsi. Qui enim gloria sua divinitatis integra permanente nostræ mortalitatis miseriam in veritate gestabat,

^{97*} Prov. 11. ⁹⁸ Luc. 19. ^{99*} Luc. 10. ¹⁰⁰ Matth. 11. ^{101*} Cap. 16. ¹⁰² Cap. 9. ¹ Col. 2. ² Matth. 18. ³ Matth. 17. ⁴ Leg. S. Thom. 3. p. q. 4, art. 1.

ipse in sua carne mortali veræ immortalitatis gloriam potuit exhibere. Et qui post resurrectionem in corpore glorificato vulnerum cicatrices ostendit, ipse eadem potestate resurrectionis gloriam in carne passibili demonstravit. In ipsa ergo glorificatione remanebat passibilis, qui inter nostræ mortalitatis defectus erat verissime immortalis. Hæc est virga conversa in serpentem, quem cum expavisset Moses, accepta cauda ejus, conversa est in virgam⁵; quia, cum terribilem divinæ sapientiæ gloria discipli expavissent, serpens in virgam, id est divina quodammodo species revertitur in humanam. Hac siquidem visione Christus mirabiliter in his tribus discipulis novellæ fidei rudimenta formavit; qui enim adhuc dubitanter credebant Christum verum esse hominem et verum Deum, nunc id ipsum visibili specie et fide oculata cognoscunt. Illud autem non est sub silentio transiliendum, quod futura corporis glorificatio in hac transfiguratione non totaliter, sed ex parte innouit. Cum enim glorificatio corporis consistat in qualior: in claritate, in agilitate, in subtilitate et in immortalitate, hic in solo claritate glorificatus apparuit; futuram vero corporum subtilitatem demonstravit, quando ad discipulos clausis januis intravit⁶. Agilitatem vero, ubi super aquas siccis pedibus ambulavit⁷. Et resplenduit facies ejus sicut sol, et vestimenta ejus sicut nix⁸, ostendit in se fulgorem quem justis fuerat collaturus. Fulgebunt, inquit, justi, sicut sol in regno Patris mei⁹. Quod equidem fieri, quando reformabit corpus humilitatis nostræ, configuratum corpori claritatis suæ¹⁰.

Soli mundo comparat evangelista solem justitiae, quia in operibus naturæ, nulla erat creatura cuius possit esse similitudo expressior ad Christum; qui splendore gloriæ suæ tanto differentius vincit solem et lunam, quanto glorioius debet Creator excedere creaturam. Si enim thronus Christi soli comparatur, sicut loquitur Pater per Prophetam: *Et thronus ejus sicut sol in conspectu meo*¹¹; quanto splendidior erit sole facies sedentis in throno? Illic est sol, de quo dicitur per prophetam: *Non erit tibi amplius sol ad luctandum per diem, nec splendor luna illuminabit te; sed Dominus Deus tuus erit tibi in lucem semipernam*¹²; super omnem pulchritudinem

A et splendorem tuus splendor est, speciosus forma præ filii hominum¹³. Tu es enim, in quem aspicere angeli concupiscunt; qui ante luciferum genitus¹⁴ lucem habitas inaccessibilem¹⁵ in splendoribus sanctorum¹⁶, splendor et figura substantiæ Patri¹⁷, et quidam candor vitæ æternæ¹⁸. Ideoque omnia ossa mea dicent: Domine, quis similis tui¹⁹? non est similis tui in diis, Domine, et non est secundum opera tua²⁰. Si ergo Lucifer ille, qui mane oriebatur²¹ non jam Lucifer, sed tenebrifer, gloriæ tuæ similitudinem usurpare præsumit, præcipitur filius superbæ et cathedra pestilentiae subvertatur. Non enim Deus sicut Dominus, et non est Deus sicut Deus noster²². Christus Deus solus, non rapinam arbitratu est esse se æqualem Deo²³, altissimus Altissimi Filius sedens non sub pedibus, sed a dextris; merito autem resplendet ut sol, qui in sole posuit tabernaculum suum²⁴, nec sine efficacia sacramenti in monte Thabor, qui interpretatur lumen veniens, glorificatur; lumen, quod parabatur ad revelationem gentium et gloriam plebis Israel²⁵; qui olim illuminabat a montibus æternis; qui hodie illuminat omnem hominem venientem in hunc mundum²⁶. Certe si haberent siderea corpora humani gratiam intellectus, nec tamen Christum Deum esse et hominem cognoscerent; erubesceret luna, quod tanto fulgori succumberet, et confunderetur sol, quia lucem ab humano corpore procedentem superare non posset. Et hoc est quod Isaiam in Spiritu sancto legimus prophetasse: Erubescet, inquit, luna et confundetur sol, cum regnaverit Dominus in Sion, et in conspectu sanctorum suorum glorificatus fuerit²⁷. Vestimenta Christi fideles ejus sunt, qui et Christum induunt, et induuntur a Christo, sicut Apostolus dicit: Quotquot in Christo baptizati estis, Christum induistis²⁸. Iste a Christo per lavacrum regenerationis²⁹ abluti super candorem nivium dealbabantur, sicut Propheta dicit: Lavabis me, et super nivem dealbabor³⁰. Verunitamen, quia plerunque peccata in baptismino mortua recidivant, et renigrescit in nobis quod fuerat super nivem dealbatum, alia nobis indulgetur ablutio, secunda scilicet post naufragium tabula, id est pœnitentiae medicina; sed et plerique ablutione ac negligenter utuntur (8), exspectantes

PETRI DE GUSSANILLA NOTÆ.

(8) Recte Blesensis opusculo *De confessione sacramentali*: Quod enim non purgaveris in praesenti, in igne purgatoriis purgaturus est Deus, sicut ipse per Joel (iii, 21) dicit: *Purgabo, inquit, sanguinem, quem non purgaverunt.* Isaías (in, 3) quoque: *Et purgabit filios Levi in spiritu iudicij et spiritu ardoris.* Christus autem purgationem peccatorum faciens, non in iudicio, sed in desiderio, non in ardore, sed in amore, tria nobis purgatoria misericorditer assignavit, cor-

Dis contritionem, oris confessionem, carnis afflictionem. Negligenter utuntur remedio pœnitentiae in hac vita qui non curant tantum satisfacere Deo per carnis afflictionem et alia id genus opera, quantum ipsi satisfacere tenentur. Petrus Lombardus lib. iv Sentent., dist. 20, littera B: Si enim tanta fuerit cordis contritio, et delicti exprobatio, ut sufficiat ad puniendum peccatum, liberi ab aliis pœnis transeunt ad vitam, et si inexplata fuerit

⁵ Exod. 4. ⁶ Joan. 20. ⁷ Matth. 14. ⁸ Matth. 17. ⁹ Matth. 13. ¹⁰ Phil. 3. ¹¹ Psal. 88. ¹² Isa. 60. ¹³ Psal. 44. ¹⁴ Psal. 109. ¹⁵ 1 Tim. 6. ¹⁶ Psal. 109. ¹⁷ Hebr. 1. ¹⁸ Sap. 7. ¹⁹ Psal. 34. ²⁰ Psal. 85. ²¹ Isa. 14. ²² 1 Reg. 2. ²³ Phil. 2. ²⁴ Psal. 48. ²⁵ Luc. 2. ²⁶ Joan. 1. ²⁷ Isa. 24. ²⁸ Gal. 3. ²⁹ Tit. 3. ³⁰ Psal. 50.

ut quidquid in eis squaloris aut rubiginis confes- A *insensati*²¹ et cæci ! si laverit Dominus sordes filiarum
sio non mundavit, igne purgatorio abluatur (9) : O Sion in spiritu judicii et spiritu ardoris²² (10). Nonne

PETRI DE GUSSANVILLA NOTÆ.

pœnitentia, quia perfecte pœnituerunt et inge-
nuerunt corde. Qui vero non adeo conteruntur
corde et ingemiscunt pro peccato, si ante expli-
tionem pœnitentiae discesserunt, ignem purgato-
rium sentient, et gravius punientur, quam si hic
explessent pœnitentiam. *Horrendum est enim incidere*
in manus Dei viventis (*Hebr. x. 31*). Deus enim cum sit
misericors et justus, ex misericordia pœnitenti igno-
scit non reservans peccatum ad pœnam æternam ;
ex justitia vero impunitum non dimittit delictum.
Aut enim punit homo, aut Deus. Homo autem pu-
nit pœnitendo, Deus autem pœnam exigendo. Et
est pœna interior et exterior. Si ergo interior pœ-
nitudo fuerit tanta, ut sit sufficiens ultio peccati,
Deus, qui hoc novit, ab illo qui taliter pœnitit, ul-
terius pœnam non exigit. Si vero interior pœnitudo
non sufficit in vindictam peccati, nec exterior pœ-
nitentia impletur, Deus qui modos et mensuras
peccatorum et pœnarum novit, addit pœnam suffi-
cientem. Studeat ergo quisque sic delicia corrige-
re, ut post mortem non oporteat pœnam tolerare.
Quædam enim peccata mortalia in pœnitentia sunt
venialia, non tamen mox sanantur. Sepe infirmus
moreretur si non medicaretur, non tamen statim
medicatus sanatur. Languest victurus, qui prius erat
moriturus. »

(9) *Locus insignis de purgatorio.* Certum quidem
est de fide esse purgatorium ex can. Florentino in
decreto de unione, sess. 25; Trident., sess. 25, in
decreto de purgatorio, et professione fidei Catho-
licæ. His adjungenda sunt concilia quibus sancti
orandum et offerendum esse sacrificium pro fideli-
bus defunctis, et universa Ecclesia consuetudo, de
qua Augustinus lib. *De cura pro mortuis*, c. 1 :
« In Machabæorum libris legimus oblatum pro mor-
tuis sacrificium. Sed et si nusquam in veteribus
scripturis legeretur, non parva tamen est universæ
Ecclesiæ, quæ in hac consuetudine claret, auctoritas,
ubi in precibus sacerdotis, quæ Domino Deo
ad ejus altare funduntur, locum suum habet etiam
commendatio mortuorum. Et serm. 32, *De verbis*
apostoli, c. 2 : « Orationibus vero sanctæ Ecclesiæ,
et sacrificio salutari, et eleemosynis, quæ pro eorum
spiritu erogantur, non est dubitandum mortuos
adjuvari, ut cum eis misericordius agatur a Do-
mino, quam eorum peccata meruerunt. Hoc enim a
Patribus traditum universa observat Ecclesia, ut
pro eis, qui in corporis et sanguinis Christi com-
munione defuncti sunt, cum ad ipsum sacrificium
loco suo commemorantur, ore tur, ac pro illis quo-
que id offerri commmoretur. Cum vero eorum
commendandorum causa opera misericordiae cele-
brantur, quis eis dubitet suffragari, pro quibus
orationes Deo non inaniter allegantur, » etc. Et
Euchiridii c. 109 : « Neque negandum est defun-
ctorum animas pietate suorum viventium relevari,
cum pro illis sacrificium mediatoris offertur, vel
eleemosyna in Ecclesia sunt. Sed eis hec prosunt,
qui cum viventer, ut haec sibi postea prodesse pos-
sent, meruerunt. Est enim quidam vivendi modus
nec tam bonus, ut non requirat ista post mortem,
nec tam malus, ut ei non prosint ista post mortem.
Est vero talis in bono, ut ista non requirat : et est
rursum talis in malo, ut nec his valeat cum ex hac
viva transierit adjuvari. » Et postea : « Cum ergo
sacrificia sive altaris sive quaruncunque elemo-
suarum pro baptizatis defunctis omnibus offerun-

tur, pro valde bonis gratiarum actiones sunt : pro
non valde malis propitiaciones sunt : pro valde
malis et si nulla sint adjumenta mortuorum, quales-
cunque vivorum consolationes sunt. Quibus au-
tem prosunt, aut ad hoc prosunt ut sit plena re-
missio : aut certe tolerabilius fiat ipsa damna-
tio. »

Quando autem de purgatorio loquens meminit
ignis, usurpat modum loquendi communem apud
Latinos post Augustinum l. xxi *De civ. Lei*,
cap. 10, scribebent : « Quamvis miris, tamen
veris modis etiam spiritus incorporeos posse pœna
corporalis ignis affligi, si spiritus hominum etiam
ipsi profecto incorporei, et nunc potuerunt includi
corporalibus membris, et tunc poterunt corporum
suorum vinculis insolubiliter alligari. » Subscribit
Gregorius Magnus lib. iv *Dialog.*, cap. 29. Græci
autem credunt purgatorium esse, neque tamen
credunt in purgatorio animas igne purgari aut tor-
queri, ut constat ex verbis istis private synodi
congregatæ Ferrarie, die 4 Junii 1438, quæ præ-
fixa sunt sess. 1 concilii Florentini. Græci in fu-
turo tantum opinantur ignem pœnamque animarum
temporaneam, quod scilicet peccatis obnoxiorum
animarum in locum abeant tenebris osculum, in locum
mœroris, in quo ad tempus versentur in mœrore
et pœnis, divino lumine private. Purgentur vero,
hoc est, a loco illo obscuro et afflictione liberentur
et absolvantur precibus et sacrificiis sacerdotum,
ac eleemosynis, non autem igne. Neque enim Græci
fatentur actionem ignis ut Itali : sed operatur tan-
tum oratio, deprecatione et eleemosyna. Est igitur
haec inter eos differentia : Græci enim pœnam, va-
lorem et pœnæ locum asserunt, sed nou per ignem :
Itali vero pœnam purgationemque per ignem :
iudicant Græci, ut habetur conc. Florent., sess. 25,
interrogat ab Eugenio IV, de purgatorio igne, re-
sponderunt in haec verba : « De igne vero purga-
torio determinatum sic est : sanctorum animas
perfectam in cœlis adeptas esse coronam, quatenus
animæ sunt; peccatorum vero animas perfecte
lucre pœnas. Medias autem esse in loco tormento-
rum, sed sive ignis sit, sive caligo ac turbo, sive
quid aliud non contendit. » Hinc nulla intentio
ignis in definitione dogmatis de purgatorio.
Scite Bellarminus lib. ii *De purgatorio*, cap. 11 :
« Communis sententia theologorum est verum et
proprium esse ignem, et ejusdem speciei cum no-
stro elementari. Quæ sententia non est quidem de
fide; quis nusquam in Ecclesia definita est : Imo
in conc. Flor. Græci aperte professi fuerant se non
ponere iguem in purgatorio, et tamen in definitione
facta sess. ultima definitur purgatorium esse, nulla
mentione ignis habita, tamen est sententia proba-
bilissima. »

Addere potuisset Bellarminus idem etiam defi-
nitum fuisse in conc. Trid., nulla quoque ignis men-
tione habita, atque altum ejusdem silentium esse in
professione fidei.

(10) Brevem dicit cordis contritionem compa-
rate ad incendium purgatoriū, quæ tamen ab-
solute loquendo brevis esse non debet, sed
diuturna et perseverans, ut homo misericordiam
consequatur, ac ne relabatur in peccata. Ita
enim seipsum explicat auctor noster opusculo ci-
tato : « Putant aliqui sibi sufficere, quod aliquan-

²¹ Gal. 3. ²² Isa. 4.

consultius vobis erat brevi cordis contritione et confessione purgari, quam illud incendium expectare (11), licet non sit æternum quidem, quod om-

A nes dolores vitæ presentis, omnes angustias nostræ sensualitatis excedit (12)?

Et ecce apparuerunt cum eo Moyses et Elias ¹³.

PETRI DE GUSSANVILLA NOTÆ.

din a sua turpitudine destiterunt, atque de primis arreptis continentia presumentes, veteres excessus non recolunt, et quasi spatio temporis evanuerint culpæ, vel earum oblitus sit aut dormiat Deus, putant de omnibus debitis brevi compendio transgesse. » Et postea : « Non sine dolore cordis acerbissimo et anxia cordis afflictione sanantur quæ longo usq; inolita, et intimis animarum medullis infixa sunt; nec horaria et levi contritione redimi possunt, quibus mors æterna debetur. » Et infra : « Propositione itaque pœnitentiae perseverantia comitetur. » Et alibi : « Nemo itaque de momentanea contritione vel affluentia lacrymarum presumat. Sunt enim plerique irreligiosi, aut potius iniquitatum abyso absorpi, latentes cum male fecerint, et exsultantes in rebus pessimis, quos videmus timore poenæ aut peccatorum recordatione compungi usque ad lacrymas, mira etiam devotione liquecere in amorem Jesu, et ipsum totis medullis animæ brachiis devoteæ affectionis amplecti. » Et postea : « Si ergo senseris in te gratiam compunctionis et affluentiam lacrymarum, non tamen ideo te statim arbitreris Domino reconciliatum, nec opinetur servus se esse filium, licet quandoque pascatur pane filiorum. » Et rursum : « Nonne ista compunctione eorum excusat oculos, et aures cordis obturat, qui credentes se aliquid esse, cum nihil sint, alominabiles criminum maculas sine fructibus pœnitentia paucis lacrymis æstimant abluisse. Vera siquidem pœnitentia non in lacrymis momentaneis aut horaria compunctione consistit. » Ac denique : « Vides profecto quam gratum Deo sit sacrificium lacrymarum, et pro omnibus delictis sufficiens holocaustum. Sed quibus? Confidentibus, pœnitentibus, non revertentibus ad vomitum, sed in spiritu humilitatis, et in animo contrito fugientibus ad pia viscera Jesu, et continuantibus dignos pœnitentia fructus. »

Busæus sensit Petrum nostrum verbis istis : « Nonne consultius vobis erat brevi cordis contritione et confessione purgari, quam illud incendium expectare? » videri indicare hominem contritum et confessum non teneri satisfacere Deo pro peccatis in hac vita; sed posse impune satisfactionem differre in alteram vitam peragendam in purgatorio. Verum temere opinionem hanc Blesensi ascribit. Enimvero si quod suæ sententiae haberet fundamentum, hoc unum esset, quia auctor his verbis : « Brevi cordis contritione et confessione purgari, meminit quidem contritionis et confessionis, et latet de satisfactione. At hoc nullius est momenti : Tum quia similiter paulo antea meminerat confessionis, suppressione nomine contritionis : « Ut quidquid in eis squaloris aut rubiginis confessio non mundavit, » etc. Neque tamen recte inferetur contritionem non esse necessariam, eo quod Blesensis hic confessionem recenseat tantum. Tum etiam quia commemorat etiam satisfactionem tanquam necessariam opusculo citato : sive ubi dicit Christus: u nobis tria purgatoria misericorditer assignavisse videlicet, cordis contritionem, oris confessionem, et carnis afflictionem; sive ubi scribit : « Si ergo gravis tibi videatur pœnitentia, cogita quod incomparabiliter gravior est gehenna. Exerceris in lacrymis, vigiliis, jejuniis, disciplinis, nec tibi videatur absurdum si propter pœnitentiam aliquando

(11) Sentit auctor animas in purgatorio cremari ab igne corporeo post Gregorium Magnum loco cit. his verbis : « Teneri autem spiritum per ignem dicimus, ut in tormento ignis, videndo atque sentiendo puniatur. Ignem namque eo ipso patitur quod videt, et quia crenari se aspicit, crematur. Sieque sit ut res corporea incorpoream exurat, dum ex igne visibili ardor ac dolor invisibilis trahitur, ut per ignem corporeum mens etiam incorporea flamma crucietur, » etc. Quæ quidem doctrina de igne creante non est certa et indubitate apud theologos B omnes. Nam priujo quidam ultra fateatur sibi ignorantia esse modum, quo animæ patiuntur ab igne corporeo in purgatorio. Hugo a S. Victore lib. II *De sacramentis*, par. xvi, c. 3, hanc sibi questionem proponit : « Quomodo animas sine corporibus a rebus corporalibus pati possunt? » Cui sic respondet : « Ecce dicamus. Nescimus quomodo hoc fieri possit. Nunquid ideo verum non est quod nos nescimus quomodo est? » Et infra : « Hæc tamen omnia quia dictum est, ratione humana investigari non possunt, in his mentem solidamus quae tides non dubia probat, quod scilicet peccatrices animæ, quæ culpam non correxerunt in hac vita, poenam habent post hanc vitam : quæ licet qualiter ab illis sentiatur a nobis non intelligatur, quid interest, cum non ideo minus ab illis sentiatur, quamvis a nobis non intelligatur? » Albertus Magnus in 4, dist. 20, art. 5 : « Qualis sit ignis purgatorii non arbitror quemquam scire, nisi cui Deus revelavit. » Eadem iis denique verbis expressa est sententia Dionysii Carthusiani in 4, distinct. 20, quest. 1.

Alii putant animas in purgatorio non pati ab igne secundum rem, sed tantum per quandam similitudinem et adaptationem, quia scilicet afflictio spiritualis earum consurgens ex retardata illis visione beatifica, et dolor summus spiritualis per similitudinem et adaptationem dicitur esse ab igne, quia summus dolor sensibilis est secundum rem ab igne, qui est summe activus. Ita Durandus in 4, dist. 44, quest. 11, § 13.

In eadem sententia fuere ante eum plures alii de quibus S. Bonaventura in 4, dist. 44, art. 5, quest. 2, et Richardus de Mediavilla eadem dist., art. 38, quest. 9.

S. Thomas lib. iv *Contra gentes*, cap. 90, explicat poenam ignis, quam anima separata patitur per alligationem ipsius ignis corporeo : « Patiuntur, inquit, ab igne corporeo substantiae incorporeæ per modum alligationis enijsdam. » Et infra : « Et hoc ipsum est eis in afflictionem, quod senunt se rebus intimis alligatos in poenam. Poena quam patiuntur substantia nobilior, præcise eo quod sit alligata substantia insimilæ, non est incendium propriæ dictum. » At enim pati per modum alligationis ab igne non est propriæ incendi ab igne. Unde Dominicus Soto in 4, dist. 19, quest. 5, art. 2, ait animas non modo sic pati quasi carcere inclusas, verum et per tristitiam ac si in corporibus urecentur.

Tertio qui poenam hanc explicuerunt de cruciatio proprie dicto ab igne, hi suam hanc sententiam tanquam probabilem solummodo proposuerunt. Sic Bonaventura, Richardus de Mediavilla, Soto et alii.

(12) Idem habes apud Petrum Cantorem *Verti abrcc.* c. 126.

Cum Christus sit Dominus legis et prophetarum, merito cum eo apparere dicuntur propheta maximus, et nominatissimus legislator ⁴¹: uterque inhabitator gloriae Christi, uterque conscient secretorum Dei, uterque quadragenarius jejunator. Apparet ergo cum eo Elias severissimus, et Moyses mitissimus omnium habitantium in terra. Moyses opprobria et comminationes Judaici populi multoties cum patientia sustinuit, et ad tabernaculum quandoque, ut irruentem populum declinaret, ausfigit. Ipse tamen, cum Dominus diceret: *Dimitte me, ut irascatur furor meus contra eos et deleam eos, faciamque te in gentem magnam*, respondit: *Si dimittere velis, dimitte; sin autem, dele me de libro tuo* ⁴². Ecce mansuetudo, quæ omnis mansuetudinis modum et exuberantiam benignitatis excedit. Elias e contrario propter nequitiam regis idololatræ, tribus annis et mensibus sex clausit cœlum, et beneficium aquæ pluvialis exclusit ⁴³. Quadringentos prophetas Baal

A cum aliis trecentis in torrente Cison occidit ⁴⁷. Duos quinquagenarios cum centum viris cœlestis ignis immisso consumpsit ⁴⁸. Ecce manifesta et justa severitas. Apparet ergo cum eo, hinc misericors et mansuetus, hinc severus et justus ⁴⁹.

Quia cum sit misericors et miserator Dominus ⁵⁰, *justus est et justitias dilexit* ⁵¹. Universæ enim viae Domini misericordia et veritas ⁵². Et notandum quod veniunt Moyses de inferis, Elias de cœlis, Petrus, Jacobus et Joannes de terris, ut cui omne genu flexitetur cœlestium, terrestrium et infernorum ⁵³, et testimonium suæ glorificationis perhibeant cœlestia, terrestria et inferna. Loquebatur autem, sicut alius evangelista ⁵⁴ commemorat, de excessu, id est de morte Christi, quæ ideo excessus merito dici potest, quia omne genus humilitatis excedit. Sane credendum est eos loqui cum Christo, quorum intentio, quorum gloria, quorum desiderium est cum Christo, qui non cognoscunt, qui non sapiunt, nis.

PETRI DE GUSSANVILLA NOTÆ.

quando caput doleat, quod sœpius ab ebrietate doluit; si rugiat venter, quem frequens ingluvies suffocavit. Peccati ergo sanies non solum abstergenda, sed abradenda est asperitate doloris. Tunc equidem cum B. Job testa saniem radis, si districtiore pœnitentia sordidas delectationes abstergis. Turn adhuc ubi refellit eos qui se abominabiles criminum maculas sine fructibus pœnitentiae paucis larymis astimant abluisse: tum denique ubi postulat perseverantiam in fructibus dignis pœnitentiae. Certe pœnitentes tenentur adimplere pœnitentiam in hac vita, ex præcepto ecclesiastico, Lateran. conc. can., *Omnis utriusque sexus, etc. Et injunctam pœnitentiam studeat pro viribus adimplere*. Quin et ad illud ipsum teneri vi præcepti divini colligitur manifeste ex conc. Trid. sess. 14, cap. 8, proununtiante sacerdotes debere, quantum spiritus et prudentia suggesterit, pro qualitate criminum et pœnitentium facultate, salutares et convenientes satisfactiones injungere, atque habere præ oculis ut satisfactio quam imponunt, non sit tantum ad novæ vite custodiam, sed etiam ad præteriorum peccatorum vindictam et castigationem. Addit autem concilium: « Nam claves sacerdotum non ad solvendum tantum, sed ad ligandum concessas etiam antiqui Patres credunt et docent. » Sed enim si præceptum est sacerdotibus, ut pro munera sui ratione quia claves illis date sunt ad ligandum, sicut ad solvendum, confitentibus pœnitentiam injungant, consequens est præcipi quoque confitentibus eam acceptare. Frustra autem acceptare tenerentur, si acceptata implere vel non implere liceret. Ille autem veritas confirmatur ex ceteris, que eodem capite continentur. Docet synodus Deo satisfactionem a Patribus nostris Christiano populo perpetuo commendatam requiri, quia divina iustitiae ratio exigere videtur, ut alter ab eo in gratiam recipiantur, qui ante baptismum per ignorantiam deliquerint, aliter vero qui semel a peccati et dæmonis servitio liberati, et accepto Spiritu sancti dono, scienter templum Dei violare et Spiritum sanctum contristare non formidaverint. Quonodo alter si pœnitentes recipiantur in gratiam a Deo, etiamsi habeant voluntatem non explendi satisfa-

ctionem in hac vita, sed differendi eam in alteram vitam peragendam in purgatorio? Docet synodus divinam clementiam decere ne ita nobis absque ulla satisfactione peccata dimittantur, ut occasione accepta, peccata leviora putantes velut injuriæ et contumeliosi Spiritui sancto in graviora labamur, thesaurizantes nobis iram in die iræ. An non si liceat remittere satisfactionem in alteram vitam pœnitens occasione accepta leviora peccata putando, velut injuriæ et contumeliosus Spiritui sancto prolabetur in graviora peccata sibique thesaurizabit iram in die iræ? Docet synodus quod magnopere a peccato revocant, et quasi freno quadam coercent hæc satisfactoria pœnitæ, cautoresque et vigilantes in futurum pœnitentes efficiunt. Medenur quoque peccatorum reliquiis, et viciosos habitus male vivendo comparatos contrariis virtutum actionibus tollunt. Atque tot tantisque adjumentis et remedii sponte se privant, qui detrectant hæc pœnitentiam adimplere. Docet synodus securiorem nullam viam in Ecclesia Dei unquam existimatam fuisse ad amovendam imminentem a Domino pœnam quam ut hæc pœnitentiae opera homines cum vero animi dolore frequentent. Ergo differentibus in alteram vitam pœnitentiae opera placet imminentem a Deo pœnam a se non amovere. Docet synodus quod, dum satisfaciendo patimur pro peccatis, Christo Jesu, qui pro peccatis nostris satisfecit, conformes efficiemur, certissimam quoque inde arrham habentes, quod si compatimur et conglorificabimur. Quare renuentibus hæc satisfacere curæ non est Christo Jesu conformes effici, nolunt compati et conglorificari. Ille itaque est eorum conditione, ut plurima paucis concludant: accedunt ad pœnitentiam cum eadem facilitate, cum qua accederent ad baptismum. Sibi ipsis sunt occasio graviora peccata committendi. Frenos rejiciunt quibus a peccato coercentur. Iis ut spernunt quibus vigilantes cautoresque redderentur in futurum. Adenique pro minimo ipsis est mederi delictorum suorum reliquias, tollere viciosos habitus, ab imminenti Dei ira fugere, Christo compati, adeoque Christo conglorificari.

⁴¹ Num. 12. ⁴² Exod. 32. ⁴³ III Reg. 17; Jac. 5. ⁴⁴ Psal. 10. ⁴⁵ Psal. 94. ⁴⁶ Phil. II. ⁴⁷ Luc. 9.

⁴⁸ Jud. 4. ⁴⁹ III Reg. 18; IV Reg. 1. ⁵⁰ Psal. 144.

Christum. Hæc est, inquit apostolus, vita æterna, ut cognoscant te solum verum Deum, et quem misisti Iesum Christum ⁴⁴.

Respondens autem Petrus, dixit ad Iesum, etc. ⁴⁵ Sicut desideria sanctorum cum Christo, et in Christo loquuntur, sic sancti suis desideriis quandoque respondent, putantes quasi verbum esset voti sui exprimens vehementiam, quæ præcessit. Sic Maria Magdalena, dum Christum in sepulcro non invenit, dum anxia sollicitudine circumcurrit; dum in eo quærendo totos affectus expendit: *Si tu sustulisti eum, inquit, dic mihi* ⁴⁶. *Eum*, dicit, ac si aliquid præcessisset, ad quod pronominis significatio referretur. Sanctæ enim animæ amore Christi, et desiderio patriæ cœlestis accensæ, quodambeato errore desipiunt, suique prorsus immemores non ad verba quæ præcesserunt, sed ad animi sui cogitata respondent. *Domine, bonum est nos hic esse: si vis, faciamus hic tria tabernacula* ⁴⁷. Tria tabernacula postulat Petrus fieri Christo, Moysi et Eliæ, sui prorsus immemor, tanquam a corpore peregrinans, et ad supernæ visionis raptus delicias, nullam facit de suo, vel condiscipulorum suorum tabernaculo mentionem: cedebat ei ad votorum plenitudinem divinæ contemplatio majestatis; invenerat enim locum quietis, secretum solitudinis, luminis serenum, habitaculum pacis, umbraculum ab æstu diei ⁴⁸ et absconzionem a turbine et pluvia ⁴⁹. Quid est, Petre, quod facis? Vis ei facere tabernaculum in terris qui habitat in cœlis, qui in terris sic voluit conversari, ut capitis sui reclinatorium non haberet ⁵⁰? Recolebas, Petre, paradisum, felicitatis antiquæ primætias, creationis humanae delicias, qualiter primus homo, concivis et socius angelorum stipatus et fulcitus floribus ⁵¹, gloria et honore coronatus ⁵² nihil indigentia, nihil molestia sentiebat, ideoque ex desiderio dicebas ad Dominum: *Domine, bonum est nos hic esse*. Ad hujus gloriam visionis anxius apprehendebat Propheta, qui liberos ad cœlum exitus desiderans, vincula carnis, et hujus corporis carcere lacrymabiliter causabatur, dicens: *Educ, Domine, de carcere animum meum* ⁵³. Paulus etiam in tertio cœlo thesaurum hujus beatæ contemplationis invenerat, ideoque ejusdem desiderii tractus affectione dicebat: *Cupio dissolvi, et esse cum Christo* ⁵⁴. Et: *In felix ego homo, quis me liberabit de corpore mortis hujus* ⁵⁵? *Huc ascenderat Jacob*, ideoque glorians et exultans: *Vidi, inquit, Dominum, et salu facta est anima mea* ⁵⁶. O felices, qui ad arcem hujus contemplationis meruerunt ascendere! O beata angelorum conditio, qui desideratissimam Christi faciem jugiter intuentur. Ili ad mensam divitis sedent, et pas-

A cunctur in deliciis ex adipe frumenti ⁵⁷. Nos autem, dum in corpore sumus, dum peregrinamur a Domino, non pascinur nisi quadam cortice et fursure sacramenti, apponitur nobis granum cura palea, id est sub fidei velamento veritas, et hoc est quod credimus prophetam præsensisse, cum dixit: *Pulli asinorum qui operantur terram, mistum magma comedent* ⁵⁸, id est hordeum cum palea. Christus enim nobis ad solatium expectationis Ecclesiæ sacramenta proponit, ut sustentemur in eis, donec in sanctis suis gloriosus appareat. Tunc transibit spes in rei, imago in veritate, memoria in presentiam, tempus in æternitatem, cortex fursurus in farinam: tunc satiabitur gloria vultus ejus. *Satiabor*, inquit Propheta, *cum apparuerit gloria tua* ⁵⁹. **B** Et Apostolus: *Cum autem Christus apparuerit vita nostra, tunc et nos cum ipso apparebimus in gloria* ⁶⁰.

Adhuc eo loquente ecce nubes lucida obumbravit eos ⁶¹. Sicut Apostolus commemorat, *invisibilita Dei per ea quæ facta sunt, intellecta conspiciuntur a creatura mundi* ⁶². Unde, et si hæc, quæ in sacra transfiguratione visa sunt, diligenter attendatur, tota Trinitas adfuisse præsentialiter manifestissime cognoscetur. Cum enim Christus sit Deus de Deo, lumen de lumine, merito apparuit in lumine, juxta illud: *Domine, in lumine tuo videbimus lumen* ⁶³. Spiritus vero sanctus in nube, qui olim filios Israel in columna nubis de Ægypto eduxit et eosdem baptizavit in nube et in mari ⁶⁴; sic Filius resplendet in luce, **C** Spiritus sanctus obumbrat in nube. Et ut totam Trinitatem adesse non dubites, Pater auditur in voce: *Vox enim de cœlo facta est: Hic est Filius meus dilectus, in quo mihi complacui: qui in Adam mihi dislicui, ipsum audite* ⁶⁵. Hoc est verbum quo olim usus fuit Moyses, dicens: *Prophetam suscitabit Deus de fratribus vestris: ipsum tanquam me audietis. Qui hunc non audierit, exterminabitur de populo suo* ⁶⁶. Verbum Moysi de Filio confirmatur a Patre, ut Scriptura concordet, et ut intelligent universi, hoc de Christo et non de alio Moysen præsensisse. Quod enim de eo scripsit Moyses, Christus aperit, ubi dicit: *Si crederetis Moysi, crederetis et mihi; de me enim ille scripsit* ⁶⁷. Bene, *Filius meus*, non adoptionis, sed naturæ; non temporaneus, sed æternus; non aliunde, sed consubstantialis, dilectus æternaliter, et singulariter predilectus, de quo per Prophetam: *Ecce puer meus quem elegi, electus meus: complacuit sibi in eo anima mea* ⁶⁸; merito vocatur dilectus qui præ omnibus est super omnia diligendus. Vere dilectus, de quo sponsa in Cantico: *Ego dilecto meo, et dilectus meus mihi* ⁶⁹. *Millia millium et centena millia* ⁷⁰ cum dilecto. Et venio ad dilectum. Non est mirum, si

⁴⁴ Joan. 17. ⁴⁵ Matth. 47. ⁴⁶ Joan. 20. ⁴⁷ Matth. 17. ⁴⁸ Isa. 25. ⁴⁹ Isa. 4. ⁵⁰ Luc. 9. ⁵¹ Cant. 2. ⁵² Hebr. 2. ⁵³ Psal. 44. ⁵⁴ Phil. 1. ⁵⁵ Rom. 7. ⁵⁶ Gen. 32. ⁵⁷ Psal. 80. ⁵⁸ Isa. 30. ⁵⁹ Psal. 16. ⁶⁰ Col. 3. ⁶¹ Matth. 17. ⁶² Rom. 1. ⁶³ Psal. 35. ⁶⁴ Exod. 14; 1 Cor. 10. ⁶⁵ Matth. 17; Luc. 9. ⁶⁶ Deut. 18; Act. 2. ⁶⁷ Joan. 5. ⁶⁸ Isa 42; Matth. 12. ⁶⁹ Cant. 6. ⁷⁰ Dan. 7.

diligatur a Patre, qui Unigenitus est a Patre. *Diligit Pater Filium*⁷¹, æternus coæternum, summus æqualem, diligens diligentem. Sicut enim Filius a Patre diligitur, sic et Patrem Christus diligit. Hoc est quod in Evangelio dicitur : *Pater clarificat Filium*; et idem clarificatur a Filio⁷² : ideoque mutuam inter Patrem et Filium clarificationem evangelica recenset historia, ne videretur Filius minor Patre, et ne claritatem suam credatur a se ipso, tanquam inglorius, non habere. Petit Filius clarificari claritate illa quam habuit, antequam mundus fieret. Nimirum non est claritas Filii claritate Patris posterior, qui sicut æqualis est Patri in substantia divinitatis, sic eidem coæternus est in gloria claritatis.

*Et ceciderunt discipuli in faciem suam, et timuerunt valde*⁷³. Si Petrus apostolorum princeps, si Jacobus et Joannes, qui erant fortissimæ columnæ Ecclesiae, non potuerunt sustinere divinæ præsentæ majestatem, quid nos, miseri, faciemus in die illa tremendi judicii, ubi tanta futura est in judicio æquitas, in judice severitas, in majestate sublimitas, in ipsa vero facie terribilis et inaudita novitas, ut teste propheta : *Non possit cogiari dies adventus ejus? Et homo est, inquit, et quis stabit ad videndum eum?*⁷⁴ Quid putas fiet, cum ignis ille consumens⁷⁵, judex scilicet vivorum et mortuorum, veniet in illa suæ divinitatis magnitudine, fortitudine, furore, veritate contra solium quod vento rapitur, ostensus potentiæ suam et stipulam siccum persecuturus⁷⁶? Timebunt angeli et archangeli; et quis nos ab æternis timoribus liberabit? Turbor ergo a pusillanimitate spiritus et tempestate. Timeo ab ira potentis, a facie furoris, a frigore mundi, a conflagratione elementorum, a voce archangeli, a verbo aspero, a ventre inferi, a rugientibus præparatis ad escam. Ne recorderis, Domine, iniuriam meam, nec appendas in statera peccata mea, quibus iram merui⁷⁷. Si iniuriantes observaveris, Domine, Domine, quis sustinebit⁷⁸? Quis, inquam, sustinebit calores ignium, algores nivium, pressuras catenarum prementium, stringentium, urentium et non consumentium? ubi sunt misericordiae tuæ antiquæ, Domine⁷⁹? certe iniuriantes meas considerans, et recognitans annos meos in amaritudine animæ meæ, in desperationis soveam incidissem, nisi judex ille terribilis proprium haberet misereri semper et parere. Scio enim quia non abscondebit misericordiam suam in æternum, nec obliviscetur misereri Dens, sed iratus misericordiæ recordabitur. Misericorditiam hominum Filius hominis. Cumque exarserit in brevi ira ejus, sicut ad perditos erit terribilis, sic erit in se sperantibus mansuetus. Liberabit ergo ab auditione mala timentes se, et erit misericordia ejus in sanctos ejus, et respectus ejus in electos illius. Ad

A significantiam hujus rei, Christus post terriblem visionem ad discipulos benignus consolator accedit et dicit : *Surgite et nolite timere. Levantes autem oculos suos neminem viderunt, nisi Jesum solum*⁸⁰. Ab oculis apostolorum evanuerunt Moyses et Elias, et non viderunt, nisi solum Jesum, quia, evanescere velamine in legis figuris et prophetarum, in præmissis apparuit gratia evangelicæ veritatis. In eo autem quod dicitur, *levantes*, notandum est quod quanto quis altius oculos suæ considerationis attollit, tanto minus de natura divinæ essentiae comprehendit. Accedit enim homo ad cor altum, et exaltabitur Deus⁸¹. Ideoque David non ambulabat in magnis et in mirabilibus super se, sed humiliter sentiebat⁸². Ideoque Paulus, ne scrutator majestatis opprimeretur a gloria, cum Sapiens dicat : *Altiora te ne quaesiheris, et fortiora te ne scrutatus fueris*⁸³, proponebat se nihil aliud scire, nisi Christum Jesum, et hunc crucifixum⁸⁴. Noluit enim secreta cœlestia occulati. Unde ad tertium cœlum raptus, se vidisse testatur *qua non licet homini loqui*⁸⁵. Hinc est quod Moyses a secreto Dei exiens faciem velat⁸⁶.

*Et Jesus descendantibus illis de monte præcepit dicens : Nemini dixeritis visionem, donec Filius hominis a mortuis resurgat*⁸⁷. Non est enim sanctum Dei dandum canibus, neque margaritæ spargendæ sunt porcis⁸⁸: quod quidem fieret, si ante fidei nostræ confirmationem, quam Christi resurrectio roboravit, aut minus consulte, aut minus tempestive Christi publicarentur arcana. Ex ipsa namque publicatione vilescerent, atque novellas plantationes fidei, et nascentis Ecclesiae primitias impediunt, si gloriam Christi, quam viderant, prædicarent, quem in proximo visuri erant vilem et abjectum, et turpiter in cruce pendentem, ac auctoritati suæ prædicationis plurimum detrahent, et infirmis scandalum generarent. Hujus ergo gloriose memoriam visionis, fratres charissimi, devotissimo celebremus affectu. Si enim dies illa cum veneratione recolitur, in qua Christus descendens a dextris Dei Patris nobis apparuit inglorius et infirmus, credendum est diem illum cum honore et reverentia recolendum, in quo Christus in hac infirmitate nostra nobis apparuit glorus. Hæc est enim dies in qua discipuli Christi quasi Unigenitum a Patre, quasi regem in decoro suo conspicunt. Ceterum, cum diversa sint species visionum, ista præferenda est universis. Cum enim quedam fuerint ante gratiam, quedam sub gratia, ista est in gloria. Cum quedam fuerit in nocte, quedam in die, ista est in luce : Vidi, dicit Ezechiel, *in visione noctis*⁸⁹. Paulus ad tertium cœlum raptus ; *nox*, inquit, *præcessit, dies appropinquavit*⁹⁰. Ecce visio noctis, ecce visio diei. In hac ergo visione præsenti, futuræ certitudo resurrectionis ex-

⁷¹ Joan. 5. ⁷² Joan. 17. ⁷³ Matth. 17. ⁷⁴ Mal. 3. ⁷⁵ Hebr. 12. ⁷⁶ Job. 13. ⁷⁷ Dan. 6. ⁷⁸ Psal. 429. ⁷⁹ Psal. 88. ⁸⁰ Matth. 17. ⁸¹ Psal. 63. ⁸² Prov. 25. ⁸³ Eccli. 3. ⁸⁴ 1 Cor. 2. ⁸⁵ II Cor. 12. ⁸⁶ Exod. 34. ⁸⁷ Matth. 17. ⁸⁸ Matth. 7. ⁸⁹ Dan. 7. ⁹⁰ Rom. 13.

primitur. In hac nobis pignus et arrha proponitur A misericorditer præparare et præstare dignetur, illius beatissimæ visionis, in qua est dies sine nocte, qui cum Patre et Spiritu sancto regnat et dominatur sine labore requies et gloria sine fine, quam nobis Deus, per omnia sæcula sæculorum. Amen.

DE CONVERSIONE S. PAULI.

Recolenda est cum exultatione beati Pauli conversionis, fratres charissimi. Si enim gaudium est angelis Dei super uno peccatore paenitentiam agente¹, et nos ei propensiore letitia congratulari oportet in quo habemus doctrinæ speculum, paenitentiae formam, conversionis et conversationis exemplum: qui cum esset vas blasphemie, vas contumelie et iræ, factus est vas honoris, vas electionis et gratiæ. *Blasphemus*, inquit, *sui, sed misericordiam consecutus sum*². De lupo enim factus est agnus, de inimico domesticus, de persecutore filius, de tortore doctor, de perversore discipulus, de impugnatore defensor, de infidelissimo sanctissimus fidei predicator. Vere magna et inenarrabilia sunt opera Dei³, et miserationes ejus super omnia opera ejus⁴. Saulus enim adhuc spirans minarum et cædis in discipulos Domini, a Christo in discipulum adoptatur⁵, et qui ad subversionem Ecclesiæ effrenata crudelitate spiritus anhelabat, firmissima Ecclesiæ columnna stabilitur. Pater namque misericordiarum flagellat omnem filium quem C recipit⁶. Saulum flagellat, ut eum recipiat, excusat ut illuminet, prostravit ut erigat, affligit ut sanet, debilitat ut confirmet. Saulus siquidem litteras crudelissimæ legationis acceperat, ut si quos inveniret hujus viæ viros ac mulieres, perderet in Hierusalem. Verumtamen justus judex, qui humiliat omnem altitudinem extollentem se adversus scientiam Dei, qui non permittit suos tentari ultra id quod possunt, sed facit etiam cum tentatione proventum, ut possint sustinere⁷, judicabit promansuetis terræ⁸ et salvos faciet p. v. ca.

Cum ergo iter saceret Saulus, contigit ut appropinquaret Damasco, et subito circumfusit eum lux de cœlo⁹. Lux enim circumfulget exterius, ei qui interioribus ignorantie tenebris obducebatur. Et cadens in terram vocem audivit¹⁰, quam dum in via peccatorum staret, audire non meruit. Non sufficit lux ad fidem et ideo auditus vocis adjungitur:

PETRI DE GUSSANVILLA NOTÆ.

(13) « Idem factum semel atque iterum narrat Innocentius papa III, nostri Blesensis sere æqualis, in sermonibus suis. Deinde B. Gregorius in iv psal- tum paenitent. Hesychius De excidio Hierosol., libro iii. S. Ambrosius in Auxentium, de tradendis

Fides enim ex auditu; auditus autem per verbum Dei¹. Saule, Saule, quid me persequeris? Qui in Evangelio ait: Quandiu uni ex minimis meis fecisti, mihi fecisti², injuriam suorum reputat. Nec in his verbis se morti aut persecutioni fateur obnoxium, cum sit immortalis et impassibilis, sed exprimitur affectio charitatis eiga discipulos, quos cum prius dilexisset, in finem dilexit eos. Idem confirmatur Petri facto, qui cum Roma fugiens Salvatorem sibi occurrentem interrogasset: « Domine, quo vadis? » audivit: « Vado Romanum iterum crucisfigi (13). » Ubi exprimitur Christum quodammodo in eo crucisfigendum, quem sibi adoptavit in membrum. Membris itaque suis compatiens Saulo in discipulos ejus debacchanti Christus irascitur; sed quia semper proprium habet misereri et parcere, iratus misericordiae recordatur³. Unde et eum furiosum quasi retinet, ne in æternæ mortis præcipitum devolvatur, et recalcitrantem contra stimulum cohabet, ne pungatur.

Durum est, inquit, tibi contra stimulum calcitrare. Et ille: Quis es, Domine? Ego, inquit, sum Jesus Nazarenus quem tu persequeris⁴. Poterat expressisse quis esset, majestaticis et terribilibus verbis, ut diceret: Ego sum Deus ultimum Dominus⁵, qui respicio terram, et facio eam tremere: tango montes et sumigant⁶; sed cum levitate respondet, ut excitet ad spem et invitet ad fidem: Domine, subdit Saulus, quid me vis facere⁷? Ad vocem divinæ animadversionis in persecutore humiliatur elatio, decrudescit in Saulo severitas, et effrenata rabies mansuescit in gratiam: suiciditur oleaster, ut oliva fructifera plantetur in domo Domini, lupus mutatur in ovem, rhamnus in item, herodius in columbam, sicarius in apostolum, blasphemus in sanctum, Saulus in Paulum; qui in Saulo mutat vitam, mutat et nomen, Juxta verbum Isaiae⁸: Et vocabit servos suos nomine alio. Vera conversio et mutatio hæc dexteræ Excelsti est⁹. In

basilicis. S. Athanasius in libro De fuga sua. Linus in Histor. de morte apostolorum Petri et Pauli. Lege Onuphrium Panvinium De septem Urbis ecclesiis, et Casarem Baron. tom. I Annal. Eccles.

¹ Luc. 43. ² I Tim. 1. ³ Psal. 410. ⁴ Psal. 144. ⁵ Act. 9. ⁶ Hebr. 12. ⁷ I Cor. 10. ⁸ Isa. 11. ⁹ Act. 9. ¹⁰ Ibid. ¹¹ Rom. 10; Act. 9. ¹² Matth. 25. ¹³ Hab. 3. ¹⁴ Act. 9. ¹⁵ Psal. 93. ¹⁶ Psal. 103. ¹⁷ Act. 9. ¹⁸ Cap. 65. ¹⁹ Psal. 76.